

也異

而治

順

縣

志

金壇段若膺先生纂定

富


源

歸

萃

釜江書社藏板

光緒二十一年
夏五月重刊



序

四川自府若廳而外直隸州九州十一縣百有十一有志
可考者十不過三四可稱者卒不過一二古山川人物之
美多不能知之知之多不能言之雒水入江處爲漢江陽
縣於今爲瀘州其上爲富順縣縣故江陽西北境也予友
段君若膺學廣而聞多嘗病水經注譌脫難讀於江水篇
也嬰之補正復以雒水卽中水據今證古爲考二篇其權知
而治之詩以宋史隱逸傳賣醬薛翁卽王氏應麟所稱賣香
其以祀暇則手改舊志例類網羅放佚成書若干卷

之士於蜀較儁其民物較阜故軍興雖亟而討蒐
補刊之費咸趨事以底於成然真令不爲而權令爲
夫爲之難而知之難也周官司徒掌邦土地之圖周知
九州之域廣輪之數司險掌建九州之圖周知山林川澤
之阻誦訓掌方志以知地俗所知之大小廣狹不同而不
可不知則同毛氏詩傳言大夫之德凡九其七曰山川能
說鄭氏以爲說有兩讀或曰說說者說其形勢也或曰述
述者述其故事也有兩讀故有兩義君之所說與所述之
義俱可以爲大夫而又知作爲方志使九直隸州

十一州百十一縣之長吏舉能如君之所能將誦訓之官
方藉以舉其職焉其母謂所志者之小且狹也予按部三
至瀘一至方山知是山瀕外江當以表江水而酈氏以之
表雒水之非蘭祠在方山不在縣境志宜削去因君之多
所知而聊舉一知如此乾隆四十二年歲在丁酉六月朔
朝議大夫 日講官起居注左春坊左庶子兼翰林院侍
讀 督四川學政南漚吳省欽沖之甫

上

卷之三

十一

十一

十一

十一

十一

十一

十一

十一

[Faint bleed-through text from the reverse side of the page, including characters like 十一, 卷之三, and 元方]

原序

嘉靖十八年

僉事 喬世寧

夫志者記也記山川文獻與政事之書也願作者率戾其
指意往往標靈勝之跡以誇俗眩遠而故事多舛時政莫
稽令後世安所據也富邑何公撰邑志七篇本諸圖乘叅
以見聞而附議時事識達機宜大要彰往跡宣人文揆政
體耳文辭弗論也邑中故實將以是久遠矣喬世寧曰余
觀暑順志有餘慨焉夫天下之風俗政治患在承平習故
而治務委靡者莫知返耳富順之疆里官師如故也今考

日困者何也政教怠而時勢趨弊也余行蜀中諸
其治俗大抵若此而救弊易化余不能無愧色云

嘉靖十九年

邑人何鍾

夫志也者備物而昭軌郡邑之史也不軌不物將焉用之
吾邑素以文獻號於川南匪志則文獻脫落無寄邑之志
自宋元以前寥寥然已不足徵明景泰甲戌縣尹李公子
誠嘗一志之迄今垂八十餘年鮮或修復正德丁丑侍御
高安熊公檄徵各郡邑舊典彙輯蜀志惟吾邑事畧殆若
無人之境而文詞雖殘篇短章亦絕未之入自今考之產

於地者或疑或見代有文人至語詩則自外至者如司馬
端明鄭冕以周廷雋喬堅諸公語序記則石正行李覲楊
寅傑諸公所綴於宋元語諸體則忠愍劉公忠靖夏公文安
周公祭酒胡公編修永新劉公中允莆田柯公修撰新都
楊公等相繼倡明於聖世皆可與諸郡邑之文互相比次
吾邑獨無補苴者豈非志之未修無所考據而然耶余自家
也身俯仰今昔未嘗不爲之憤慨也嘉靖丁亥長垣侯公
而治漆註吾邑時集多士會考續志衆方仰其有成以梗
論沸臨而止近十年間予以乞閒林下昧昧然欲嗣

乃按時按事竊以備物援古証今竊以昭軌凡幾屬
粗成然未敢以質於人方推之邑之賢士大夫諸君
得一成爲邑文獻之傳不必以出於一已爲快也奈
何在文學之科者勤於業履政事之途者大其用皆弗暇
事事予始俛焉任之時則有若劉子愔以通博核其故實
有男註以祇承繹其端緒凡一切續考皆屬之聿分爲類
者六爲卷者十爲目者六十有九志成適臨萬公國華以
名進士宰吾邑因就正焉萬公欣欣然不啻若自己出蓋
公有提調學校之責雅重斯文故其心同然耳然後乃屬

之楊生灼繕書而鋟梓以傳嗚呼廣輯博蒐不敢不盡者
吾力耳其或迷真眩實智識限之也刪繁去穢不敢不嚴
者竊取其義耳參以枝詞蔓語亦意見之一偏也是志也
固未足關一邑之輕重然謂之曰野錄可也謂之曰備一
家之說可也夫中海也志畎澮百川也畎澮距川百川朝
宗海斯淳蓄謂吾志爲畎澮之類者非耶吾懼道旁築室
也畎不成乃僭踰以至於此噫罪我者其在畎澮之作乎
而治者其在築室之意乎

內歷九年

知縣

秦可貞

志重修成予徵序於太史李公司馬熊公同僚貴
暨博士瀘南李先生大足彭先生德陽梁先生謂
無言請余敘之余曰二先生良史也其序詳矣余
又何言四君曰不然君首事者且編纂亦勤矣烏得無言
余弗獲辭廼爲序所以重修之意夫今天下郡邑之有志
猶古列國之有史所以昭信垂遠法不可缺富順故有志
始修於前令李公真繼修於邑人僉憲何公鍾迄今四十
餘年其間生衆繁滋法制因革與夫人材消長習俗變更
且撥設隆昌前志迥不相合及今不爲釐正後將何徵耶

萬厯戊寅余奉命來合富順擬重修以傳諸後迺延李先
生總其事檄諸生黃子捧日劉子一麟陳子兌熊子造相
與揚挖因舊爲新刪繁就簡燕濫者芟之舛雜者正之已
卯秋始脫稿時予有上計之行迺攜以如京手自訂正蒐
羅放失咸就詮次統爲綱十爲目四十有八志輿地表封
域也志宮室備規制也志食貨重賦役也志兵防戒不虞
也志官師昭勸戒也志選舉徵仕進也志人物錄賢哲也
而治跡異端也雜志察災祥也藝文志傳信疑也蓋一時
然足徵後有考者其弗在茲乎是志也矢心畢力

二易草者三其事則增於前其文則省於舊雖未
于治理亦庶幾備乎民風觀者可以識政之所先也
與余猶有深懼焉李志或議畧也何志或議繁也畧與
繁均於史乎病病又何足以傳又安知後之議今不猶今
之議昔者乎茲余所爲之深懼也其繁其畧余又何知爰
識此以俟後之作者廼命梓人鏤而藏諸縣署云

原序

萬曆九年

邑人

李長春

富順縣志成蓋咸寧秦侯按舊志而刪潤之主在討故實
以訂經畧故於紀事獨詳而一切文詞非有關涉者悉置

弗入簡核有裁庶幾稱史法矣不佞覽之竊喟然有古今
之慨焉夫邑名肇自宋太平興國初其年禩非甚遼邈也
今欲緩頰談往代事無論人民謠俗莫可究詰卽仕宦而
吏茲土者與搢紳耆宿之流其行義亦寥寥不少概見何
哉斯其故可灼睹矣邑夙稱巖邑居孔道之左使者輶軒
歲不一再過草野之夫有老不識干旄者其椎魯非一世
也異時長吏雖人負材譎然令下如流水法行若振稿卧
而治之亦足爲理安所見奇士以詩書發家者率敦愿而
寡能務於卓詭炫耀之迹則其寥寥者猶然上世